

四庫全書

子部

欽定四庫全書

氏族博攷卷九

明 凌迪知 撰

譜系

總論

氏族者古史官所記也昔周小史定世系辨昭穆故古
有世本錄黃帝以來至春秋時諸侯卿大夫名號紀統
左丘明傳春秋亦言天子建德因生以賜姓祚之土命
之氏諸侯以字為氏以謚為族昔堯錫伯禹姓曰姒氏

曰有夏伯夷姓曰姜氏曰有呂下及三代官有世功則有官族邑亦如之後世或氏於國則齊魯秦吳氏於謚則文武承宣氏於官則司馬司徒氏於爵則王孫公孫氏於字則孟孫叔孫氏於居則東門北郭氏於志則三烏五鹿氏於事則巫乙匠陶於是受姓命氏粲然衆矣秦既滅學公侯子孫失其本系漢興司馬遷父子乃約世本修史記因周譜明世家乃知姓氏之所由出虞夏商周昆吾大彭豷韋齊桓晉文皆同祖也更王迭霸多者

千祀少者數十代先王之封既絕後嗣蒙其福猶為疆
家漢高祖興徒步有天下命官以賢詔爵以功誓曰非
劉氏王無功侯者天下共誅之先王公卿之胄才則用
不才弃之不辯士與庶族然則始尚官矣然猶徙山東
豪傑以實京師齊諸田楚屈景皆右姓也其後進拔豪
英論而錄之蓋七相五公之所由興也魏氏立九品置
中正尊世胄卑寒士權歸右姓已其州大中正主簿郡
中正功曹皆取著姓氏士族為之以定門胄品藻人物

晉宋因之始尚姓已然其別貴賤分士庶不可易也于時有司選舉必稽譜籍而考其真偽故官有世胄譜有世官賈氏王氏譜學出焉由是有譜局令史職皆具過江則為僑姓王劉袁蕭為大東南則為吳姓朱張顧陸為大山東則為郡姓王崔盧李鄭為大關中亦號郡姓韋裴柳薛楊杜首之代北則為虜姓元長孫宇文子陸源實首之虜姓者魏孝文帝遷洛有八氏十姓三十六族九十二姓八氏十姓出於帝宗屬或諸國從魏者三

十六族九十二姓世為部落大人竝號河南陽人郡姓
者以中國士人差第閥閱為之制凡三世有三公曰膏
梁有令僕者曰華腴尚書領護而上者為甲姓九卿若
方伯者為乙姓散騎常侍大中大夫者為丙姓吏部正
員外郎為丁姓凡得八者謂之四姓又詔代入諸胄初
無族姓其穆陸奚于下吏部勿克猥官得視四姓北齊
因仍舉秀才州主簿郡功曹非四姓不在選故江左定
氏族凡郡上姓第一則為右姓太和以郡四姓為右姓

齊淳屠曇刪類例凡甲門為右姓周建德氏族以四海
通望為右姓隋開皇氏族以上品茂姓則為右姓唐貞
觀氏族志凡第一等則為右姓路氏著姓略以盛門為
右姓柳冲姓族系錄凡四海望族則為右姓不通歷代
之說不可與言譜也今流俗獨以崔盧李鄭為四姓加
太原王氏號五姓蓋不經也夫文之弊至於尚官官之
弊至於尚姓姓之弊至於尚詐隋承其弊不知其所以
弊乃反古道罷鄉舉離地著尊執事之吏於是乎士無

鄉里里無衣冠人無廉恥士族亂而庶人僭矣故善言
諧者繫之地望而不惑質之姓氏而無疑綴之婚姻而
有別山東之人質故尚婚媿其信可與也江左之人文
故尚人物其智可與也關中之人雄故尚冠冕其達可
與也代北之人武故尚貴戚其泰可與也及其弊則尚
婚媿者先外族後本宗尚人物者進庶孽退嫡長尚冠
冕者略伉儷慕榮華尚貴戚者徇勢利亡禮教四者俱
弊則失其所尚矣人無所守則士族削士族削則國從

而袁管仲曰為國之道利出一孔者王二孔者彊三孔者弱四孔者亡故冠婚者人道大倫周漢之官人齊其政一其門使下知禁此出一孔也故王魏晉官人尊中正立九品鄉有異政家有競心此出二孔也故彊江左代北諸紛亂不一其要無歸此出三孔也故弱隋氏官人以吏道治天下人之行不本鄉黨政煩於上人亂於下此出四孔也故亡唐承隋亂宜救之以忠忠厚則鄉黨之行修則人物之道長則冠冕之緒崇則教化之風

美乃可與古參矣晉太元中散騎常侍河東賈弼譔姓氏簿狀十八州百六十郡合七百一十二篇甄析士庶無所遺宋王弘劉湛好其書弘每日對千客可不犯一人諱湛為選曹撰百家譜以助詮序文傷寡省王儉又廣之王僧孺演益為十八篇東南諸侯自為一篇不入百家數弼傳子匪之匪之傳子希鏡希鏡譔姓氏要狀十五篇尤所諳究希鏡傳子執執更作姓氏英賢一百篇又著百家譜廣兩王所記執傳其孫冠冠撰梁國親

王太子序親薄四篇王氏之學本於賈氏唐興言譜者以路敬淳為宗柳冲韋述次之李守素亦名姓氏時謂肉譜者後有李公淹蕭穎士殷孔志至為世所稱初漢有鄧氏官譜應劭有氏族一篇王符潜夫論亦有姓氏一篇宋何承天有姓苑二篇譜學大抵具此魏太和時詔諸郡中正各列本土姓族次第為舉選名曰方司格人到於今稱之

雜編

古者別生分類始有姓氏之書尊世系叙昭穆則有姓

氏之官源冰有叙秩秩可考自譜牒久廢源流無據崛
起草莽之夫而求附聖明之後生長夷狄之族而僭紊
帝出之裔噫可歎矣且五帝之相承三世之繼禪無非
出於黃帝之後考之史遷世表黃帝二世而顓帝三世
而高辛四世而帝堯至舜則八世此帝之世系出於黃
帝明矣四世而禹二十世而湯至武王則三十一世此
王之世系出於黃帝又明矣是雖史遷世掌天官能知
譜牒之詳而亦帝王盛世歷歷有官若書也

世之執茫昧之說者曰契生於卵后稷人跡世系無可考也泥五德之說者曰高辛以水生木夏禹以土生金世系之不必信也意稷契之事特經傳欲示以天命精微之意五德之說又特起於漢儒附會之私皆不可以實論也秦起西戎特一醜類托於桀翳之所出若難信也况呂政受命寄身不常而亦玷桀翳之後可乎漢起鄉中特一亭長本於唐堯之所出似無疑也况鄙哉劉裕亦冒堯王而亦玷唐堯之後可乎曹魏之興肇於官

官曹騰而以為曹叔振鐸之裔夫何僭矧嵩係養息姓氏無考邪唐祖之始肇於隴西北道而為出皋陶夫何偽矧以理為李尤為不經邪甚者晉之敬瑭西夷裔也而改姓石氏可乎唐之克用朱邪族也而冒姓李氏可乎嗚呼杜正倫求與於城南諸杜君子所鄙郭崇韜哭子儀之墓識者羞之况帝王正統使醜類卑族混而無別君子安得不辯之哉此無他自秦以後姓氏無書毋怪乎夷夏貴賤之混也

雜編

子長之序司馬氏所自出也其先司馬適晉後復奔魏
子雲之序楊氏所自出也其祖食采晉陽後為陽侯二
公之序詳矣然按之春秋隨會奔秦自秦入魏入魏而
還晉豈有自晉而奔魏之理則知子長之說也妄考之
張衡言晉大夫食采於陽為楊氏有罪而楊氏滅無有
所謂陽侯則知子雲之說也疎嗚呼子長子雲漢大儒
也所序又復自姓也本末源流錯謬無據况欲以一人
之見而論他人之譜藉噫難矣哉

姓氏之學最盛於唐而國姓無定論林寶作元和姓纂而自姓不知所由宋漢有鄧氏官譜應劭有氏族篇又有潁川太守聊氏萬姓譜魏立九品置中正州大中正主簿郡中正功曹各有簿狀以脩選舉晉宋齊梁因之故晉散騎常侍賈弼太保王弘齊衛將軍王儉梁北中郎諮議參軍知撰譜事王僧孺之徒各有百家譜徐官又有百官譜宋何承天撰姓苑與後魏河南官氏志此二書尤為姓氏家所宗唐太宗命諸儒撰氏族志一百

卷柳冲撰大唐姓系錄二百卷路淳有衣冠譜韋述有開元譜柳芳有永泰譜柳璨有韻略張九齡有韻譜林寶有姓纂卽思有姓解其書雖多皆本世本公子譜二書二書皆本左傳然左氏所明者因生賜姓祚土命氏及以字以諡以官以邑五者而已

通志氏族序

通典載晉太元中賈弼大披羣論撰十八州百一十六郡合七百一十二卷士庶略無遺缺宋王洪劉湛竝好其書洪日對千客不犯一人諱湛復選百家譜傷於纂

略齊王僧孺又為八十卷東南諸侯則為一部不在百

家之數

事文類聚

李守素為倉曹參軍通姓氏學號肉譜虞世南與論人物歎曰肉譜定可畏許敬宗曰此名豈雅目邪世南曰昔任彥升通經時稱五經笥今以倉曹為人物志可乎

事文

類聚

歐陽文忠公蘇明允各為世譜文忠依漢年表明允以禮大宗小宗為次雖例不同皆足以考其世次雖然竊

文忠所謂不知姓之所自而昧昭穆之叙則禽獸不若也其譏切世之人可謂至矣然歐陽氏得姓凡幾年其間文學之士蓋亦多矣文忠始為之譜斯言恐未為得也

塵史

晉摯虞撰族氏昭穆十卷上疏進之以為足脩物廣多聞人以為定品違法司徒劾之詔原之

後魏太和中定四海望族以崔寶等為冠其後於尚門地故氏族志一切降之

唐高宗時許敬宗以不叙武后世以李義府恥其家無
名更以孔志約楊仁卿等十二人刊定之合二百三十
五姓二千二百八十七家帝自叙所以然改為姓氏錄
韋述好譜學見柳冲所撰姓族系錄每私寫懷之還舍
則又繕錄故於柳氏源派為詳乃更撰開元譜十二篇
孔至明世族學與韋述蕭穎士柳冲齊名撰百家類例
以張說等為近世新族剷去之說子均方有寵怒曰天
下族姓何豫若事而妄紛紛邪

柳冲修國史為太宗命諸儒撰氏族志甄差羣姓其後門胄興替不常冲請改修其書帝詔魏元忠等共取功德時望國籍之家等而次之號姓系錄

路敬淳兼修國氏尤明姓系自魏晉以降推本始末皆有條序著姓略衣冠系錄百餘篇

劉子玄別撰劉氏家史及譜考上推漢為陸終苗裔非堯後彭城叢亭諸劉出楚孝王囂曾孫居巢後不承元王按據明審議者高其博

唐太宗詔士廉與韋述岑文本令狐德棻齋天下譜牒
叅考史傳檢正真偽進忠賢退悖惡先宗室後外戚退
新門進舊望右膏粱左寒畯合二百九十三姓千六百

五十一家為九等號曰世族志

以上俱白
孔六帖

事實

自叙宗衮

謝康樂稱太傅為宗衮

與巫通譜

唐趙彥昭遷中書侍郎同平章事以權倖進中宗時有
巫趙挾鬼道出入禁掖彥昭以姑事之其得宰相巫力
也

尊為父兄

李義府已貴乃言系出趙郡與諸李叙昭穆嗜進者往
往尊為父兄給事中李崇引與同譜既謫普州急削去
呼為叔父

羅威賦詠甚有情致錢塘人羅隱有詩名威遣使賂遺

自叙宗姪呼為叔父

同譜復合

會稽黃渥與庭堅皆出於婺州之黃由七世以上失其譜以年相望與渥相近復以兄弟合宗

不許通譜

杜正倫求與城南諸杜同譜不許銜之諸杜所居號杜固其地有旺氣故世衣冠正倫既執政建言鑿杜固通水利既鑿川流如血閱十日止自是南杜不振

不妄認祖

狄青為樞密使有狄梁公之後持梁公畫像及告身十餘通詣青獻之以謂青之遠祖青謝之曰一時遭際安敢自附梁公厚贈而還之比之郭崇韜哭子儀之墓所得多矣

送送華胄

梁何昌寓為吏部尚書有姓閔求官者昌寓問君是誰後對曰子騫後昌寓掩口笑曰送送華胄

認郭汾陽

五代唐郭崇韜為樞密使用事自宰相豆盧革等皆附之以其姓郭因問崇韜曰汾陽王本太原人徙華陰公世家雁門豈其支派邪崇韜曰因遭亂亡失譜牒嘗聞先人言上距汾陽四世耳革曰然則固從祖也

通譜方相

唐有士人姓方好矜門地但姓方貴人必認為親戚或戲之曰豐邑方相何親遽曰再從伯氏戲者笑曰既是

方相姪只堪嚇鬼豐邑乃蓋造凶器出賣之地

妄認遠祖

有一故相遠派在姑蘇因嬉遊書其壁曰大丞相再從姪某嘗遊有士人李璋素好訛謔題其傍曰混元皇帝三十七代孫李璋繼至

同姓末屬

劉向上疏臣幸得同姓末屬聯肺腑

異派同根

李密與唐高祖書曰與兄派流雖異根系本同

厚待同姓

何武為郡吏事太守何壽壽知武有宰相器以其同姓故厚之

乃與通譜

張九齡張說為相親重之乃與通譜系

詔附屬籍

韋嗣立與韋后屬疏帝特詔附屬籍

四同

李摯與李敏同姓同歲同門又同及第故詩云契分四般同

別洞

尚書故實唐黃生登進士第人問與頗同房否對曰別洞黃氏

氏族博攷卷九

欽定四庫全書

氏族博攷卷十

明 凌迪知 撰

譜籍

帝系

帝王姓系總譜一卷

吳達撰

帝王記譜一卷

帝系圖一卷

世本二卷

劉向撰

世本四卷

宋衷撰

帝譜世本七卷

宋均撰

世本別錄一卷

宋均撰

世本王侯大夫譜一卷

世本譜二卷

王氏注

漢氏帝王譜三卷

帝系譜二卷

張愔等撰

尚書血脉一卷

宋譜四卷

齊帝譜屬十卷

梁帝譜十三卷

後魏譜十卷

齊高氏譜六卷

周宇文氏譜一卷

大唐皇室新譜一卷

唐李衡撰

唐皇室維城錄一卷

李衡等撰

唐書總記帝系三卷

天潢源派一卷

唐李匡文撰

宋仙源積慶圖一卷

宋維城錄一卷

天聖十八年

宋玉牒三十三卷

仁宗玉牒四卷

英宗玉牒四卷

帝王血脈小史記五卷

帝王血脈圖小史後記五卷

皇族

附戚里

公子姓譜二卷

齊永元中表簿六卷

梁大同四年表簿三卷

齊梁宗簿三卷

國親皇太子親傳四卷

賈冠撰

齊梁本支一卷

李素撰

後魏方司格一卷

梁親表譜五卷

後魏皇帝宗族譜四卷

後魏辨宗錄二卷

元暉業撰

魏孝文列姓族牒一卷

後齊宗譜一卷

南族譜二卷

皇唐玉牒一百十卷

李衛等撰

玉牒行樞二卷

李匡文撰

唐偕目譜一卷

李匡文撰紀高祖至昭宗中宮及太子諸王公主名號封拜出降年月

皇孫郡王譜一卷

李匡文撰

元和縣主譜一卷

李匡文撰

李氏房從譜一卷

唐宗系譜一卷

唐室新譜一卷

李林甫撰

祖宗屬籍譜一卷

宗室齒序圖一卷

仙源類譜一卷

王鞏撰

趙氏大宗血脈譜一卷

趙異撰

春秋宗族譜一卷

韻類次宗譜五十卷

宋敏求撰

宗室世表三卷

司馬光撰

氏族具員一卷

皇親故事二卷

宋李至撰

晉司馬氏本支一卷

李至撰

總譜

族姓昭穆記十卷

晉摯虞撰

百家集譜十卷

王儉撰

續百家譜四卷

梁王儉撰

百家譜拾遺一卷

百家譜三十卷

王僧孺撰

百家譜集鈔十五卷

王僧孺撰

百家譜二十卷

賈執撰

百家譜十五卷

傅昭撰

百家譜世統十卷

百家譜鈔五卷

賈執撰

百家譜二十卷

徐勉撰

百家譜三卷

丁維舉撰

姓氏英賢譜一百卷

賈執撰

姓苑十卷

何承天撰

姓苑三卷

林寶撰

複姓苑一卷

氏族要狀十五卷

賈希鑑撰

官族傳十五卷

諸姓譜一百十六卷

梁司空儉撰

大唐氏族志一百卷

高士廉撰

姓氏譜二百卷

呂才等撰

大唐姓族系錄二百卷

柳沖撰

大唐十四家貴族一百卷

衣冠譜六十卷

著姓略記二十卷

路敬淳撰

姓氏實論十卷

王文感撰

姓苑略一卷

崔日用撰

開元譜二十卷

韋述撰

天寶新譜一卷

明皇撰

國朝宰相甲族一卷

韋述撰

百家類例三卷

韋述撰

唐新定諸家譜錄一卷

李林甫等撰

姓氏雜錄一卷

李至撰

百官姓氏記五卷

李利涉撰

編古命氏三卷

李利涉撰

永泰新譜二十卷

柳芳撰

續譜十卷

柳璟撰

聖朝臣寮家譜一卷

宋朝人撰

姓史四卷

氏姓譜一卷

姓氏祕略二卷

李利涉撰

唐譜傳引一卷

姓解三卷

邵思撰

熙寧姓纂六卷

錢明逸撰

千姓編一卷

吳萬幾撰

編姓類譜十卷

姓系氏族一卷

孔平撰

名字族十卷

魏子野撰

同姓名譜二卷

春秋氏族譜一卷

古今同姓名錄二卷

系纂七卷

實從則撰

天下郡望姓氏族譜一卷

李林甫撰

唐相譜一卷

姓名古今雜錄一卷

孔至撰

百氏譜一卷

裴揚休撰

尊祖論世錄一卷

孫祕撰

姓氏源流攷七十八卷

徐筠撰

古今姓氏書辨證四十卷

鄧名世撰

古今通系譜十卷

魏子野撰

歷代諸史總括姓氏錄一卷

韻譜

五聲類氏族五卷

羣史纂韻六卷

黃邦俊撰

姓氏韻略六卷

柳璟撰

姓源韻譜四卷

曹大宗撰

姓源韻譜五卷

張九成撰

元和姓纂十卷

姓林五卷

陳湘撰

五姓證事二十卷

元和姓纂抄一卷

郡譜

新集諸州譜十二卷

司空王儉撰

梁武帝總責境內十八州譜七百十二卷

王僧孺撰

益州譜四十卷

關東關北譜三十三卷

冀州姓族譜二卷

洪州諸姓譜九卷

吉州諸姓譜八卷

江州諸姓譜十一卷

諸州雜譜八卷

袁州諸姓譜八卷

揚州譜鈔五卷

天下姓望郡譜一卷

家譜

孔子系葉傳二卷

王恭之撰

孔聖真宗錄五卷

孔子家譜一卷

闕里譜系一卷

文宣王四十二代家狀一卷

文宣王家譜一卷

成鐸撰

兗國公正枝譜一卷

顏嶠撰

司馬氏世家三卷

京兆韋氏譜二卷

韋氏譜十卷

韋鼎撰

韋氏家傳三卷

韋氏諸房略一卷

謝氏譜十卷

謝氏家譜一卷

楊氏血脈譜二卷

楊氏枝分譜一卷

楊氏家譜狀并墓記一卷

楊氏譜一卷

魏朝楊侃撰

北地傅氏譜一卷

蘇氏譜一卷

蘇洵撰

裴氏家牒二十卷

裴守真撰

裴氏家記三卷

裴松之撰

邵氏家傳十卷

褚氏家傳一卷

褚結撰
褚陶注

桂氏世傳七卷

崔項撰

殷氏家傳三卷

殷敬等撰

江氏家傳七卷

江統撰

盧氏家傳五卷

虞覽撰

暨氏家傳一卷

王氏家傳二十一卷

諸王傳一卷

王氏家牒十五卷

王方慶撰

家譜二十卷

王方慶撰

王氏著錄十卷

王氏譜一卷

劉氏譜攷三卷

劉氏家史十五卷

劉氏大宗血脈一卷

劉復禮撰

河南劉氏傳一卷

劉興家譜一卷

劉晏家譜一卷

南華劉氏家譜一卷

趙郡東祖李氏家譜二卷

李用休家譜二卷

唐李用休撰

李氏邨王家譜一卷

李文家譜一卷

唐李匡文撰

蔣王暉家譜一卷

暉太宗第七子

紀王慎家譜一卷

李韓王家譜一卷

南陽李英公家譜一卷

李復撰

東萊呂氏家譜一卷

薛氏家譜一卷

顏氏家譜一卷

虞氏家譜一卷

孫氏家譜一卷

吳郡陸氏宗系譜一卷

唐陸璟撰

陸氏譜十五卷

陸煦撰

陸氏英賢記三卷

曹氏家傳一卷

曹毗撰

明氏世錄五卷

明聚撰

荀氏家傳十卷

荀伯子撰

庾氏家乘三卷

庾守業撰

何氏家傳二卷

裴若弼家傳一卷

徐氏譜一卷

徐義倫家譜一卷

徐詵家譜一卷

新定徐氏譜圖四卷

唐徐商撰

周長球家譜一卷

周氏大宗血脈譜一卷

汝南周氏家譜一卷

周文撰

趙氏龜鑑血脈圖錄紀一卷

韓愈家譜一卷

韓吏部譜錄二卷

燉煌張氏家傳二十卷

張太素撰

曲江張氏家譜一卷

毛氏世譜一卷

毛漸撰

曾氏譜圖一卷

曾啓撰

清河崔氏譜一卷

長樂林氏家譜一卷

施氏家譜一卷

萬氏家譜一卷

滎陽鄭氏家譜一卷

竇氏家譜一卷

唐竇澄之撰

唐氏譜略一卷

唐納家譜一卷

趙異世家譜一卷

費兼家譜一卷

沈氏譜書一卷

沈氏衣冠集一卷

樂琬撰

京兆杜氏家譜一卷

杜信撰

錢氏慶系圖二十五卷

錢氏慶系譜一卷

錢氏集錄一卷

符魏王譜一卷

向文簡譜一卷

潯陽陶氏家譜一卷

陶氏宗譜一卷

陶芝麟撰

建安章氏家譜一卷

范陽家志五卷

盧藏用撰

建安陳氏家譜一卷

鮮于氏家譜一卷

鮮于氏血脈圖一卷

諸葛傳五卷

令狐家傳五卷

令狐德棻撰

令狐宗系碣一卷

歐陽家譜一卷


崔珏撰

爾朱氏家傳二卷

王卽撰

臣寮家譜二十卷

司馬光撰



氏族博攷卷十

欽定四庫全書

子部
氏族博攷卷十一至
四

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣潘奕雋

謄錄監生臣胡澄

欽定四庫全書

氏族博攷卷十一

明 凌迪知 撰

族望

總論

士人以氏族相高雖從古有之然未嘗著盛自魏氏銓
總人物以氏族相高亦未端任門地唯四夷則全以氏
族為貴賤如天竺以利利婆羅門二姓為貴種自餘皆
為庶姓如毘舍首陀是也其下又有貧四姓如工巧純

隋是也其他諸國亦如是國主大臣各有種姓苟非貴種國人莫肯歸之庶姓雖有勞能亦自古居大姓之下至今如此其後遷易紛爭莫定遂取前世仕籍定以博陵崔范陽盧隴西李滎陽鄭為中族唐高宗時又增太原王清河崔趙郡李通謂七姓然地勢相傾更相非詆各自著書盈編連簡殆數十家至於朝廷為之置官撰定而流習所徇扇以成俗雖國勢不能排奪大率高下五等有百家皆謂之士族此外悉庶姓婚宦者不敢與百

家齒隴西李氏乃皇族亦自列在第三其重族望如此
一等之內又如岡頭盧澤底李玉門崔靖恭揚之類自
為鼎族其俗至唐末方漸衰息

白孔
六帖

江左門高故稱王謝其次則顧陸朱張梁武以此速戾
景之叛淮北則推崔盧李鄭崔浩宗雖滅而貴不衰隴
西之李居次唐文皇以人主之勢發忿而望不蓋江左
見併於隋故王謝小減瑯琊之王初在太原上而隋唐
之際太原漸貴至宋益貴是亦乘除之數也雖然謝那

得比王王自瑯琊太原為周靈王太子後北海陳留為
濟王田和後東海亦自姬姓天水九姓為王子比干後
高平京兆為信陵君後又有出自楚威王後者而謝無
聞也王於義大也君也天地人一貫三為王而謝義辭
謝也又凋謝也王氏二十一望而謝二望王氏毋論漢
即未渡江以前而為公卿著名者十餘人謝固寥寥也
始興筆路之勲與廬陵雍容之業又倍蓰也謝安得比

王弼州
集

張王李趙皆黃帝所賜姓也元丞相伯顏請殺張王劉
李趙五姓漢人不許蓋亦以其多耳王氏二十一望最
貴者瑯琊太原也謝二望會稽為貴崔二望清河博陵
俱貴清河遭崔浩禍者也盧氏一望范陽李氏十一望
趙郡最貴隴西次之唐即隴西望鄭五望滎陽為貴顧
一望吳郡陸二望朱四望張十四望梁氏所重三姓皆
吳郡耳十姓之外當為劉二十五望而彭城最貴其先
陶唐氏也蕭二望蘭陵最貴趙五望天水最貴

上聲也
今鮮知

之揚二望宏農為貴周八望陳徐皆六望唐五望

奔州集

帝雅重門族以范陽盧敏清河崔宗伯滎陽鄭義太原
王瓊四姓衣冠所推咸納其女以充後宮隴西李冲女
亦為夫人詔司徒左長史宋弁定諸州士族多所升降
又詔以代人穆陸賀劉樓于稽尉八姓自太祖已降勲
著當世位盡王公者且下司州吏部勿充猥官一同四姓
自此以外應班士流者尋續別敕其舊為部落大人而
皇始已來三世官在給事以上及品登王公者若本非

大夫而皇始已來三世官在尚書已上及品登王公者
俱為姓其大人之後而官不顯者本非大人而官顯者
俱為族令司空穆亮尚書陸琇等詳定務令平允因下
詔為六弟聘室前者所納可謂妾媵咸陽王禧聘故隴
西李輔女河南王幹聘故郡穆明樂女廣陵王羽聘榮
陽鄭平城女潁川王雄聘故范陽盧神寶女始平王勰
聘隴西李冲女北海王祥聘滎陽鄭懿女眾議以薛氏
為河東茂族帝曰薛氏蜀也豈可入郡姓直閤薛宗起

執戟在殿下出次對曰臣之先人漢末仕蜀二世歸河東今六世相襲非蜀人也陛下黃帝之胄受封北土豈可亦謂之胡邪今不預郡姓何以生為乃碎戟於地帝徐曰然則朕甲卿乙乎乃入郡姓仍曰卿非宗起乃起宗也唐貞觀中上命吏部尚書高士廉黃門侍郎韋挺禮部侍郎令狐德棻中書侍郎岑文本撰氏族志上之先是山東人士崔盧李鄭諸族好自矜地望雖累葉陵替苟它族欲為婚姻必多責財幣或捨其鄉里而妄稱

名族或兄弟齊列而更以妻族相凌上惡之命士廉等
徧賁天下譜牒質諸史籍考其真偽辨其昭穆第其甲
乙褒進忠賢貶退姦逆分為九等士廉等以黃門侍郎
崔民幹為第一上曰漢高祖與蕭曹樊灌皆起閭閻布
衣至今推仰以為英賢豈在世祿高氏徧據山東梁陳
僻在江南雖有人物蓋何足言況其子孫才行衰薄官
爵陵替而猶印然以門地自負販鬻松檟依托富貴棄
廉忘恥不知世人何為貴之今三品以上或以德行勲

勞文學致位貴顯彼衰世舊門誠何足慕而求與為婚
多輸金帛為彼偃蹇我不知其解何也今欲釐正差訛
捨名取實而卿曹猶以崔民幹為第一是輕我官爵而
徇流俗之情也乃更命刊定專以今朝品秩為高下於
是以皇族為首外戚次之降崔民幹為第三凡二百九
十三姓千六百五十一家頒於天下高宗顯慶四年改氏族
志為姓氏錄許敬宗等以其書不叙武氏本望奏遣禮
部郎中孔志約等比類升降以后族為第一等其餘悉

以官品高下為準凡九等士率以軍功致位五品豫士
流時人謂之勳格初太宗修氏族志山東著姓例降一
等王妃主壻皆取勳臣家不議其族而魏徵房玄齡李
勣皆盛與為婚左右之由是舊望不減或一姓之中更
分某房某眷高下懸隔李義府為其子求婚不獲恨之
故以先帝之旨勸上矯其弊壬戌詔後魏隴西李寶太
原王瓊滎陽鄭溫范陽盧子遷盧溫盧輔清河崔宗伯
崔元孫前燕博陵崔懿晉趙郡李楷等子孫不得自婚

姻仍定天下嫁女受財數然族望為時所尚終不能禁
或載女竊送夫家或女老不嫁終不與異姓為婚其衰
宗落譜昭穆所不齒者往往返自稱禁婚家益增厚價

弇州集

南史俞姓在江東最為寒族梁武欲加俞藥以口為喻
力辭而止且曰江東俞賤無君子姓不可不改也大抵
六代重門第故以陰叙為崇唐宋重學業故以科第為

重

弇州集

事實

四姓

漢四姓小子族

漢明帝紀注

又凡三世有三公者曰膏梁有

令僕者曰華腴尚書領護而上為甲姓九卿若方伯者為乙姓散騎常侍大中大夫為丙姓吏部正員外郎為丁姓凡得入者謂之四姓

右姓

原闕

氏族博攷卷十一

欽定四庫全書

氏族博攷卷十二

明 凌迪知 撰

世家上

二班

司馬遷班固父子

遷父談
固父彪

其言史官載籍之作大義聚

然議者咸稱二子有良史之才

二馬

司馬談謂子遷曰予先周室之太史也自上世嘗顯功

名於虞唐夏典天官事司馬氏典周史至漢談為太史公

覽羣史

劉子元名知幾父藏器為授古文尚書業不進父怒楚督之及聞為諸兄講春秋左氏冒往聽退輒辨析所疑歎曰書如是兒何怠父竒其意許授左氏踰年遂通覽羣史與兄知柔俱以善文詞知名擢進士為中宗領史事

居集賢

柳冕芳子字敬叔博學富文辭且世史官父子並居集賢院

補注

李邕少知名始父善注文選釋事而忘意書成以問邕邕不敢對善詰之邕意欲有所更善曰試為我補益之邕附事見義善以其不可奪兩書並行

弱敏悟

蘇瓌字昌容擢進士第子題字廷碩弱敏悟一覽至千言輒覆誦第進士又舉賢良方正異等

工辭章

顏真卿字清臣師古五世從孫博學工辭章開元中舉進士又擢制科

下筆成章

韓思彥字英達下筆成章子琬舉茂才又舉文藝優長賢良方正連中

講學不廢

崔融擢八科高第曾孫講學不廢擢進士第為推官

韋思謙

韋思謙名仁約及進士第子承慶嗣立並擢進士第後承慶鳳閣舍人武后召嗣立謂曰爾父嘗稱二子忠且孝堪事朕比兄弟稱職如而父言今使卿兄弟自相代即拜鳳閣舍人嗣立孫弘景又擢進士第累遷吏部侍郎

封魯

封魯公以為周公也周公拜前魯公拜後生以養周公死以為周公主

命君牙

穆王命君牙為周大司徒王若曰惟乃祖乃父世篤忠貞服勞王家厥有成績紀於太常

為司徒

緇衣美武公也父子並為周司徒善於其職

代軍尉

祁奚辭軍尉薦其子代之軍無秕政

仍叔子

天王使仍叔之子來朝仍叔之子者何天子之大夫也
其稱仍叔之子何譏父老子代從政也

田嬰子

田嬰有賤妾子名文乘間問其父嬰曰子之子為何曰
為玄孫玄孫之子為何曰不能知也君用事相齊至今

三年矣齊不加廣而君私家富累萬金門下不見一賢者文聞將門必有將相門必有相今君後宮蹈綺梁而士不得短褐僕妾餘穀肉而士不厭糟糠公家之事日損文切怪之

萬石君

石奮長子建次甲次乙次慶皆以馴行孝謹官至二千石景帝曰石君及四子皆二千石人臣尊寵舉集其門號奮為萬石君

三司隸

鮑宣字子都與子永孫昱俱為司隸皆乘驄馬京師歌
曰鮑氏驄三八司隸再八公

十世大夫

汲黯之先有寵於古之衛國至黯十世世為卿大夫

七世內侍

霍光以結髮內侍起於階閭之間確然秉志誼形於主
受襁褓之托擁昭立宣雖周公阿衡無以加然光不學

無術闇於大理死財三年宗族誅夷哀哉金日磾異域
亡國羈虜漢庭而能以篤敬寤主忠信自著勒功上將
傳國後嗣世名忠孝七世內侍何其盛也

父子師傳

漢疏廣為太子太傅子受為少傅每朝太傅在前少傅
在後

父子御史

杜延年字幼公周之子也為御史大夫延年居父官府

不敢當舊位坐臥皆易其處

父子通侯

蘇武曰武父子居列將爵通侯兄弟親近

侍中十人

前張安世子孫相繼自宣元以來為侍中中常侍者凡
十餘人

朱輪十人

楊家金盛時乘朱輪十人

貂蟬盈幄

劉向疏曰今王氏一姓乘朱輪華轂者二十三人青紫貂蟬充盈幄內魚鱗左右

車馬累世

東京楊氏袁氏累世宰相為漢名族然袁氏車馬衣服極為奢僭能守家風為世所貴不及楊氏也

鄧氏寵貴

鄧氏累世寵貴凡侯者二十九人太尉二十大將軍以

下十三人東京莫盛於此

耿氏興盛

耿氏自中興後迄建安末大將軍九人卿十三人列侯十九人中郎將刺史二千石數百人與漢興衰

父子交代

漢公孫賀自太僕卿遷丞相其子敞聲代父為太僕卿

子孫典法

陳咸孫躬躬子寵寵子忠皆典漢法

家世掌獄

郭躬字仲孫為廷尉家世掌獄務在寬平

四世太尉

楊震至彪四世太尉德業相繼與袁氏俱為東京名族

三葉侍中

馮魴曹褒父子並三葉侍中

七人廷尉

後漢郭文弘子孫七人為廷尉

汝南袁安

汝南袁安為司徒子敞為司空孫湯為太尉湯子逢為
司空逢弟隗為司徒

太邱陳寔

太邱長陳寔子鴻臚紀紀子司空羣羣子僕射泰四世
仕於漢魏二朝並有重名而其德漸漸小減時人語曰
太邱四世公慙卿卿慙長

四世鄉郡

晉會稽孔愉子安國愉孫靖靖二子山士靈符四世五人為本郡太守

三世益州

汝南周訪訪子撫撫子楚三世益州

五世吏部

宋何尚之子偃偃子戢戢子昌寓昌寓子敬容五世為吏部

四世吏部

謝莊莊子肫肫子淪淪子覽覽子溫四世六人為吏部

諸傅縣譜

南齊傅琰字季珪父僧祐為山陰令琰又為之山陰東
土大縣難為官長僧祐在縣有稱尤明察父子並著偉
績江左鮮有比云

八葉宰相

梁蕭氏興江左實有功在民厥終無大惡以寢微而亡
故餘祉及其後裔自瑀逮邁凡八葉宰相名德相望與

唐盛衰世家之盛古未有也

三人卿相

溫大雅與弟彥博大有皆知名薛道衡見之歎曰三人者皆卿相材也高祖兵興引為大將軍府記室叅軍主文檄帝受禪遷黃門侍郎而彥博亦為中書侍中對管華近帝謂曰我起晉陽為卿一門

三人學士

貞觀中顏師古相時勤禮三人皆為弘文館學士

一門羣從

崔義玄子神基為相弟神慶子琳等皆至大官羣從數十人

三世僕射

高士廉遷尚書右僕射三世此官世榮其貴晉謝安子琰琰子琨三世僕射

四世司空

袁明遠祖滂為漢司徒自滂至明凡十二世其間位司

徒司空者四世

三世典選

劉珍甫子祥道祥道子齊賢三世典選韋挺子待賈待賈子萬石陸元方子景融並同典選

三世制誥

李德林至百藥安期三世掌制誥

三戟崔家

崔儼諫議大夫其羣從數十自興寧里謁大明宮冠蓋

駟哄相望琳與弟太子詹事珪光祿卿瑤俱列榮戟世號三戟崔家

萬石張家

張潛官至魏州刺史沛同州刺史洽衛尉卿涉殿中監父子兄弟五人皆至三品官謂之萬石張家

三相張家

張嘉貞元宗時以中書侍郎同平章事子延賞德宗朝復平章孫弘靖元和中又平章時號三相張家

鳳閣王家

王從易昆仲三人開元中皆鳳閣舍人號鳳閣王家

父子列戟

德宗正元四年詔以太尉中書令西平郡王李晟長子
愿銀青光祿大夫太子賓客賜勳上柱國與晟門並列
戟

父子同朝

韓弘子公武從弘入朝為右金吾將軍弘出河中弘弟

充徙宣武乃曰二父居重鎮我以孺子又當執金吾職乎固辭改右驍衛大將軍

父子隔坐

吳亮為尚書令子鴈為中書令每朝會詔以御屏風隔其父子坐

父子侍郎

唐崔挹為禮部侍郎子湜遷兵部侍郎父子同為南省副

父子節度

唐時勳將尤貴盛者無如李郭然汾陽西平猶不得父子並為節度而弘正父子俱擁節旄同日拜

父子中書

蘇瓌子頴遷給事中拜中書舍人時瓌同中書門下三品父子同在禁苑朝廷榮之王珉父洽永和中為中書令至珉復居之時人以為奕世令望

父子史官

劉子玄貺父子修史

父子宰相

前漢韋賢子元成 平當子晏 唐劉祥道子齊賢

樂彥瑋子思晦 蘇瓌子頴 陸元方子象先 竇德

玄子懷貞 李道廣子元紘 令狐楚子綯 崔鉉子

沈 杜審言子讓能 戴胄子至德 徐商子彥相

崔慎由子省 韋仁約子承慶嗣立 鄭珣瑜子暉朗

李吉甫子德裕 呂許公夷簡子公著 韓魏公琦

子儀忠彥

父子秉政

父子秉政宋自太祖至靖康元年凡十二家王惠獻

化基

叅政子安簡

舉政

叅政呂文靖

夷簡

宰相子惠穆

公弼

樞密使

正獻

公著

宰相石元懿

熙載

樞密使子文定

中立

叅政陳給事

恕門下侍郎莊敏鎮宰相范文正

仲淹

叅政子忠宣

純禮

叅

政

純仁

尚書右丞曹武惠

彬

樞密使子武穆

瑋

樞密副使

蔡丞相

確子懋

尚書左丞蔡太師

京

宰相子

攸

樞密曾宣

靖公亮子

孝寬

樞密王侍郎

博文

同知樞密院子忠簡

靖

樞密

使呂文靖之老也以司徒監修國史兼繹經潤史使每有軍國大事與中書門下樞密院同議以聞正獻之老也復以司空司同平章事曾令綽之為簽書宣靖猶康寧遂就養東府士林尤以二家為盛事

父子翰長

呂文靖公蒙正子公弼公著公亮公孺俱為翰長

祖孫宰相

曾魯公公亮孫欽道世為宰相

祖孫執政

呂正獻孫舜徒 韓儀公孫似夫 梁莊肅孫才甫

富文忠孫李申 錢文僖元孫處和 王文獻孫康靖

張師黯孫簡翼 張章簡孫元量 張榮僖曾孫忠

文 蔣穎叔曾孫子禮

叔姪宰相

呂文穆蒙正姪文靖夷簡相繼任宰相

叔姪執政

胡文公從子修簡 林文簡從子彥振 史籀樞密從

子文惠 章文憲從孫質夫子厚

兄弟宰相

韓康公弟莊敏

兄弟執政

呂鎮南弟正惠 陳文忠弟文惠 任康懿弟安惠

吳正肅弟正憲 惠穆弟正獻 韓獻肅弟莊敏 王

文公弟和甫 蔡儋州弟元度 鄧子能弟文簡 洪

文惠弟文安 宇文仲理弟宗慤

三世執政

韓魏公子儀曾孫似夫曾曾公子孝寬孫欽道

二世執政

呂許公從父文穆子惠穆正獻曾孫舜徒

父子兄弟翰苑

錢文僖公記父子入院一家李文正

昌武

兄弟入院三家

二竇

可象望之

二李

文嘉相州

二錢

希白師聖

以為極盛矣其後父子

入院者又四家錢

希白子飛

梁

仲素莊肅

蘇

儀甫子容

洪

忠宣景盧

兄

弟入院者又九家二陳

文惠康肅

二宋

元憲景文

二吳

正肅正憲

二韓

康公持國

二蘇

文忠文定

二曾

文昭文肅

二蔡

元長元度

二字文

仲理仲通

三洪

然洪氏父子兄弟入翰苑者四

氏族博攷卷十二

欽定四庫全書

氏族博攷卷十三

明 凌迪知 撰

世家下

本朝

父子封王

隴西恭獻王李貞子岐陽武靖王文忠黔寧昭靖王沐
英子定遠忠敬王晟東平武烈王朱能子平陰武愍王
勇凡三家

三代封王

河間忠武王張玉子定興忠烈王輔孫寧陽恭靖王懋
凡三代王東平朱武烈王子平陰武愍王又再世而定
襄恭靖王希忠繼之亦可稱三代也

封三代王

洪武徐中山常開平沐黔寧永樂張河間朱東平薨後
俱封王其曾祖祖父三代俱追封王爵

一門兩公

中山王首佐太祖定天下功業爵位朝班廟享皆第一
封魏公世世承襲女為文孝皇后次子增壽復以龍潛
翊戴贈爵上公啓國於定一門兩公往往對握二都兵
政諸勲貴無敢埒者又三女一為文皇后一為代簡王
妃一為安惠王妃

父子三公

太師英國公張輔子懋復為太師俱加奉天翊運推誠
宣力佐理武臣俱勲左柱國俱再知經筵事俱再監修

國史足稱東第之冠其次則朱保公永為太師子暉為太保

兄弟三公

弘治正德中太傅慶雲侯周壽弟太保長寧伯周或太傅瑞安侯王源弟太保崇善伯王清正德中太傅壽寧侯張鶴齡弟太保建昌伯延齡至嘉靖初鶴齡晉太師封公而延齡晉太傅封侯末年成國公朱希忠以太師掌後軍都督府弟希孝左都督以太保掌錦衣緹騎俱

入直同時為三公亦罕其儔

三世知經筵監修國史

英國公輔知宣英二朝經筵監修仁宗二朝實錄子公懋知孝武二朝經筵監脩憲孝二朝實錄懋孫公溶知今上朝經筵監修世穆二朝實錄亦我朝所無

兄弟封爵

贈郢國公馮國用宋國公勝楚國公廖永安德慶侯永忠贈號國公俞通海南安侯通源越萬侯通淵江陰侯

贈江國公吳良靖海侯贈海國公禎鞏昌侯贈陝國公
郭子興武定侯贈營國公英歸仁伯陳友富懷恩伯友
直陳友諒兄弟也英國公贈定興王張輔文安伯贈文
安伯輓太平侯贈裕國公軌昌平贈潁國公楊洪武强
伯贈武强侯能已上各自積戰功開茅土慶雲侯周壽
長寧伯或瑞安侯王源崇善伯清安仁伯濬昌國公張
鶴齡建昌侯延齡係戚畹泰安伯張富安定伯張溶閣
人各推恩

父子兄弟封三國

鄂國常公遇春子茂封鄭國公以罪廢復封弟昇為開國公然皆遇春之功也父子兄弟封三國足稱盛事

兄弟尚主

永樂中西寧侯宋晟子瑛琥一時尚公主拜駙馬都尉相繼嗣父爵鎮守甘肅

二國盛事

英國公張懋保國公朱永妻弟也同時為太師爵上公

朱掌十二營張掌五軍營每挂印出征屬之朱經筵國史屬之張大朝迭為班首遣祭主宴更互為之極一時之盛

父子贈官俱一品

按父子尚書生前無俱至一品者贈官則有之然亦止五家耳太子太保儀公智太師銘太子太保鄒公濟少保幹太子太保許公進太子太保誥少師讚太子太保林公瀚少保庭棹太子太保李公瓚太子太保廷相內

儀以三品鄒以四品得之蓋皆東宮恩也

父子賜謚

父子俱得謚者凡十二家儀文簡智忠襄銘鄒文敏濟
康靖幹王毅愍文安簡宗彛周莊懿瑄文端經耿清惠
九疇文恪裕白恭敏圭文裕鉞倪文僖謙文毅岳王端
毅恕康僖承裕許襄毅進莊靖誥文簡讚林文安瀚康
裕庭棊孫忠烈燧文恪陞楊康惠志學恪愍守謙又宋
忠肅崇祿仕元而子文恪訥

祖孫尚書

祖孫至尚書者工部尚書薛公祥南京兵部尚書遠工
部尚書王公永壽少師太子太師吏部尚書瓊兵部尚
書孫公原貞南京吏部尚書需

祖孫三品九卿

刑部尚書劉公廣衡刑部左侍郎王兵部右侍郎喬公
毅少保太子太保吏部尚書宇南京工部侍郎黃公孔
昭禮部尚書翰林學士綰太子賓客戶部左侍郎劉公

中敷太子少保吏部尚書機都察院右副都御史曹公
鳳南京工部尚書亨兵部左侍郎贈尚書陶恭毅公諧
吏部右侍郎贈尚書文僖公大臨

一門高第

謝文正遷以解元會魁中狀元而子丕復以解元會魁
及第倫諭德文叙以會元中狀元而長子通參以諒復
領省解次子祭酒以訓會元及第此其最盛者也黃行
人乾亨子御史知金史僉事子尚書道毛文簡紀太僕

渠俱父子中解元曾狀元鶴齡孫追費狀元宏從子懋
忠羅文莊欽順從子珵俱進士及第孫文恪陞及第而
子鋌鄉薦第一鑛會試第一陞之兄堪武會舉第一至
都督劉尚書龍祖副使潔父刑部鳳儀俱鄉試第四人
龍及子郎中承恩俱第二人葛少保守禮與其孫俱中
解元亦奇事也若兄弟高科如永樂甲申周庶子述長
史孟簡同科及第正統景泰中彭文憲時中狀元文思
華中會元然是從兄弟耳楊文懿守陳尚書守陞劉文

簡春叅政台王文莊鴻儒布政鴻漸俱解元而守陞春
復及第其三兄俱謚文楊光祿惟聰己卯解元辛巳狀
元而兄庶子維傑丙戌及第尤為盛事太倉王太史錫
爵會元及第而弟鼎爵復會試第五人

門宗仕宦

一門科第祿位之重弘正間無過於鄞縣楊氏者吏部
右侍郎詹事府丞守陳南京吏部尚書守陞工部尚書
掌大理寺事守隨廣西右布政使守隅皆昆季也刑部

右侍郎茂元按察司茂仁皆守陳子也靈寶之許則太
子少保吏部尚書進進子少傅吏部尚書文淵閣大學
士讚南京戶部尚書誥太子太保兵部尚書論及諸子
孫為郡守曹郎登科甲者又十餘人福州之林及郡守
元美子南京吏部尚書瀚瀚子太子太保工部尚書庭
梯南京禮部尚書庭機梯子通政參議炫機子南京禮
部尚書燦建昌知府煜及他叙蔭者亦不下數人吳江
之吳尚書洪子尚書山參政巖知府崑諸孫行太僕卿

邦禎曾孫布政承燾鄉貢士凡四人餘姚之孫副都御史贈尚書燧子都督僉事堪尚寶卿墀南京禮部尚書陞堪子都督同知鈺陞子禮部侍郎鋌鴻臚寺卿鑰御史銓吏部員外鑛墀之子亦舉鄉試鑰之子又舉丙子鉛山之費少師大學士宏少保尚書宋宏子武選懋賢從子修撰懋忠工部郎中懋良若宗黨貴盛一時者嘉靖間少宰歐陽鐸大宗伯德御史席少司空塾太保必進太僕卿衡都御史重其餘郡守郎署又數人少司馬潘

珍潘旦少司空希曾大司空鑑及紹興之陶少司馬諧
少宰大臨大司寇承學布政幼學副使大年大有大順
司承允淳允宜皆諸從季昆父子也成化初有周顥者
累官鴻臚寺卿長子晟至江西左布政使次子昌訓導
又次子冕解元至郡守少子景駙馬都尉事亦頗異

子孫顯盛

武定侯榮國威襄公郭英兄弟四人長早卒次興以軍
功封鞏昌侯贈陝國公謚宣武次某福建都指揮子十

二人鎮銘鑄鑑銓錡鈺鈔鑄鋼鎗鎮駙馬都尉尚永
嘉公主銘遼王府典寶追封武定侯鑄中軍都督府右
都督鑑中都留守司副留守鎗散騎舍人鈺贈承德郎
尚寶司丞鈔旗守衛指揮使女九人長適府軍衛指揮
僉事閻瑜次濟寧衛指揮使戈某次遼王妃次適府軍
衛指揮僉事趙斌次郢王妃次適金吾右衛指揮同知
范聚孫男二十有八琮琰璧瑋瑄瑾琚瑤璫璟玘瑋瓊
璣璵璠琬琰餘尚幼琮府軍衛指揮僉事琰襲武定侯

斌尚寶司丞瑤梁王府典寶璚璟皆勳衛孫女十六人
長仁宗昭皇帝貴妃次適留守左衛指揮陳鑑餘在室
曾孫五人公之勳名祿位雖未敢上躋汾陽而子孫之
盛殆有光於昔矣

孤卿封父

官至孤卿而父在受封者內閣則黃公淮李公賢彭公
時劉公吉劉公翊楊公廷和嚴公訥李公春芳張公居
正吏部則屠公浦郭公朴戶部則黃公福賈公應春高

公耀兵部則白公圭翁公萬達蒲州楊公博刑部則張公子麟工部則胡公松兵部則王公守仁工部則林公濂守仁父本以尚書受封伯爵淮賢珣廷和瀟子麟及今嚴李張皆封一品嘉隆之際吏部郭公內閣嚴公李公張公父母具慶尤為一時之盛而李張皆首相李狀元及第張父母俱未七十士林以為美談

三代尚書

南京兵部尚書林公瀚瀚子南京禮部尚書庭機庭機

子南京禮部尚書嫌漸以南吏轉庭機嫌皆以南工轉
父子尚書

父子俱仕至尚書者吏部尚書兼翰林學士承旨詹公
同太子少保吏部尚書兼都察院左都御史徽太子太
保吏部尚書何公文淵刑部尚書喬新少保太子太保
吏部尚書謹身殿大學士兼東閣大學士王公文南京
禮部尚書宗彞刑部尚書耿公九疇太子太保吏部尚
書裕南京刑部尚書周公瑄太子太保禮部尚書經南

京禮部尚書倪公謙太子太保吏部尚書岳刑部尚書
施公禮太子少保禮部尚書掌鴻臚寺事純太子太保
兵部尚書白公圭太子少保禮部尚書翰林院學士鉞
太子太保吏部尚書王公恕南京戶部尚書承裕南京
工部尚書侯公瓚戶部尚書觀太子少保吏部尚書許
公進南京戶部尚書誥少傅太子太傅吏部尚書文淵
閣大學士讚太子太保兵部尚書論南京兵部尚書林
公瀚太子太保工部尚書庭棹南京禮部尚書庭機南

京吏部尚書王公華新建伯南京兵部尚書都察院左都御史守仁南京刑部尚書吳公洪刑部尚書山戶部尚書李公瓚太子賓客戶部尚書翰林學士廷相太子少保刑部尚書劉公璟刑部尚書訥工部尚書何公詔刑部尚書鰲凡十七家共三十七人然無有俱在內閣及至一品者唯許襄毅進在正德中賞賜玉帶及王公華生時受伯封可稱父子腰玉耳內王公及見子為尚書詹許二家俱為太宰劉璟氏俱為司寇李氏俱為司

徒倪氏俱為學士林氏俱為司成而許氏父子兄弟共
四人林三代四人尤為卓異

父子至三品九卿

若三品九卿則兵部右侍郎鍾公勗戶部右侍郎永吏
部尚書趙公好德工部左侍郎毅戶部尚書王公鈍戶
部右侍郎倫禮部左侍郎儀公智太子太保兵部尚書
銘工部尚書黎澄右侍郎叔林禮部左侍郎蔣公驥都
察院右副都御史琳工部左侍郎畢公亨都察院右副

都御史昭少師太子太師吏部尚書華蓋殿大學士萬
公安兵部右侍郎翼兵部尚書兼大理卿程公信禮部
右侍郎翰林院學士敏政吏部右侍郎楊公守陳刑部
右侍郎茂元南京吏部尚書王公俱都察院右副都御
史沂太子太傅刑部尚書白公昂都察院右副都御史
圻都察院右副都御史李公田太子太傅兵部尚書承
勳兵部左侍郎李公介兵部左侍郎昆少傅太子太傅
戶部尚書謹身殿大學士謝公遷吏部左侍郎翰林院

學士丕南京禮部尚書江公瀾兵部右侍郎曉兵部右
侍郎邊公鏞都察院左都御史憲右副都御史憲南京
工部尚書董公越大理寺卿天錫都察院右副都御史
王公珣右副都御史崇文都察院右副都御史孫公燧
禮部尚書陞都察院右都御史劉公洪右副都御史渠
右副都御史臬刑部尚書楊公志學兵部左侍郎守謙
太子太保兵部尚書王公憲都察院右副都御史汝孝
太子太師吏部尚書兼華蓋殿大學士嚴公嵩工部左

侍郎世蕃

以萬
陰

刑部左侍郎劉公玉南京工部右侍郎

愍都察院右副都御史吳公瀚通政司通政使三樂兵
部尚書王公邦瑞南京刑部右侍郎正國大理寺卿汪
公文盛南京刑部尚書宗伊

三代三品九卿

都察院右副都御史孫忠烈公燧南京禮部尚書文恪
公陞南京禮部尚書燧南京兵部右侍郎王公倬都察
院右副都御史忬右副都御史王公世貞文定之外僅

二家耳

三代御史中丞

洪武二年都察院右都御史凌公悅安吉州人宣德三年曾孫賢應天府治中被謫召入拜吏科都給事中以都察院右僉都御史致仕賢子晏如任都察院右僉都御史掌院事太倉王公倬以正德甲戌擢右副都御史予嘉靖庚戌擢右僉都御史甲寅轉右副都世貞以萬厯甲戌轉右副都

三代大司成

林文安瀚子庭機孫爌俱為國子祭酒三代國師惟王儉有之近世罕見

三代翰林

林文安瀚以編修遷諭德庭機以檢討遷司業爌以檢討至學士三代翰林亦國朝所無

四代尊官

刑部尚書劉公廣衡子湖廣左布政使喬喬子刑部左

侍郎玉王子南京工部右侍郎慤

父子翰林

父子同在翰林者唐應奉肅侍講之淳倪學士謙學士
岳楊中允鼎學士時暢商學士輅侍講良臣焦殿學芳
侍讀黃中劉閣學宇編修仁謝殿學士遷學士丕江學
士澗脩撰暉楊殿學廷和脩撰慎倫諭德文叙諭德以
訓孫中允陞諭德鋌晁洗馬慤庶吉士東吳陳大學士
以勤子編脩于陞此外曹學士鼎脩撰恩胡學士廣檢

討種王學士直檢討積皆陰叙也倪公文子光學尤為盛事

兄弟尚書

南京工部尚書蔣公昇少傳太子太傳戶部尚書謹身殿大學士冕太子少保戶部尚書石公玠少保太子太保吏部尚書武英殿大學士瑤南京戶部尚書許公誥少傳太子太傳吏部尚書文淵閣大學士讚太子太保兵部尚書論太子太保工部尚書林公庭樞南京禮部

尚書庭機

係親昆季

少保吏部尚書文淵閣大學士彭公時

太子少保禮部尚書翰林院學士華少師太子太師吏

部尚書華蓋殿大學士費公宏少保太子太保禮部尚

書翰林院學士宋工部尚書掌大理寺楊公守隨南京

吏部尚書守陞南京禮部尚書李公機南京兵部尚書

遂

從昆季

兄弟三品九卿

少保彭公時尚書華工部右侍郎禮大理寺卿章公格

都察院右副都御史律吏部右侍郎楊公守陳尚書守
陞守隨都察院右副都御史周公季麟右都御史季鳳
少師太子太師吏部尚書華蓋殿大學士楊公廷和兵
部左侍郎廷儀禮部尚書汪公俊吏部左侍郎偉太常
卿掌國子監佃少保太子太保禮部尚書席公書吏部
右侍郎春吏部尚書羅公欽順都察院右副都御史欽
忠工部右侍郎陳公瑤都察院右副都御史瑛吏部右
侍郎歐陽鐸禮部尚書德南京工部侍郎塾右副都御

史劉公渠及臬南京戶部尚書張公珩戶部右侍郎玘
工部左侍郎郭公鑒南京工部右侍郎鑒少師大學士
徐公階南京刑部右侍郎陟副都御史萬公潮禮部侍
郎浩通政使汪公宗元大理寺卿宗伊今陳公瑞弟省
以副都同時撫秦楚

兄弟翰林

兄弟三人八翰林者凡二家王編修璉贊善璲侍講璉
在洪武永樂間汪尚書俊以學士侍郎偉以侍讀太常

卿佃以侍講在弘治正德間沈學士度庶子梁周庶子
述編修孟簡彭學士時學士楊學士守陳學士守陞學
士宏學士宋孫中允紹先檢討紹祖內沈氏以善書薦
然在翰林供奉俱三十年實為史職周雖從昆然同年
及第上御批云兄弟齊名古今罕比而費氏宏姪懋賢
及第為官贊子懋中庶吉士亦一時盛事也

近又有吳
檢討可行

編修中行張編
修秩庶吉士程

兄弟賜謚

文臣彭文憲公時文思公華楊文懿公守陳康簡公守
隨周僖敏公李麟康惠公李鳳賈文憲公宏文通公宋
許莊敏公誥文簡公讚凡五家而周許為同產武臣則
江國吳襄烈公良海國襄毅公禎陝國公郭宣武公子
興營國威襄公英邠國吳壯勇公克忠遵化僖敏伯克
勤太傅慶雲周恭和侯壽太保長寧榮僖伯或定襄朱
恭靖王希忠太傅忠僖公希孝三人賜諡者西平沐惠
襄侯春黔國公定遠忠敬王晟定邊武襄伯昂定興張

忠烈王輔裕國勇襄公軼文安張忠僖侯軼

叔姪尚書

從父猶子相繼至尚書者屠宮傳瀟宮保僑章宗伯懋
司空拯張大司馬時徹大司馬邦奇閔少保珪宗伯如
霖閔禮書楷刑書煦洪武初歸仁伯陳友富懷恩伯陳
友直姪歸德侯陳理以降附封又景泰天順間石亨以
忠國公總禁兵而姪彪以定遠侯為征西前將軍鎮大
同楊洪總禁兵封昌平侯及弟武強伯能從子信封彰

武伯為西北大將軍

父子同時大位

國朝眉州分宜在相位二子俱為侍郎然皆藉勢地得者文臣唯李韓公為太師左丞相而子為駙馬都尉李文敏為南吏侍父瓚以布政遷副都李因養疾俟父至尚書卒乃出林公庭機為南大宗伯子燦以大司成遷北少宗伯武臣則李貞為隴西侯進封曹國公而子文忠亦封曹國公昌平侯楊洪總禁兵子俊以左都督為

邊帥皆可紀也

父子兄弟貴盛一時

嘉靖初武廟實錄完少保大學士費公宏進少師從弟
編脩宋進左贊善從子懋中進脩撰而子懋賢復為庶
吉士隆慶初徐公階以少師當首揆而弟陟為南少司
寇長子璠以太常卿掌尚寶司次子瑛少琨俱為少卿
楊公博以師傅位太宰而子俊民以會魁歷提學太僕
少卿俊卿武會第一至錦衣衛都指揮俊士舉進士餘

蔭叙又二人景泰中楊潁公洪以昌平侯掛鎮朔大將軍印鎮宣府從子信以都督同知充宣府左參將弟能以都督僉事充宣府右叅將子俊以左都督總三千營兵馬領勅候有聲息為後繼可謂文武一時之盛

丈臣父子繼任

洪武中前御史中丞刑部尚書商嵩為太僕卿以嵩故官其弟景為福建左布政使尋進嵩為前軍都督僉事而官其子敬為太僕寺卿再改敬大同衛指揮僉事光

祿司卿徐興祖賜白金二錠鈔百錠致仕而用其子欽
為光祿卿欽尋致仕興祖復任朱復為燕府左相特位
正二品與中書左右丞同後以長史止五品致仕卒永
樂中追贈北京刑部尚書謚忠定子濬以恩補官亦至
刑部尚書卒謚榮愿其長子紹祖蔭授通政司左叅議
次子榮為旗手衛指揮同知其孫復蔭工部主事蓋事
之盛而典亦異者也

父子贈爵

令典開茅土者公贈王侯贈公伯贈侯其嗣爵者非有
奇功異能不得加贈今聊記之除前封王外元帥贈河
間公俞廷玉長子平章政事贈號國公通海魏國公贈
中山王徐達次子左都督贈定國公增壽都督同知贈
蘄國公康茂才子蘄春侯贈蘄國公鐸都指揮初贈榮
國公張玉次子文安伯贈文安忠僖侯輓太平侯贈裕
國武襄公輓平江伯贈平江侯陳瑄子平江侯贈黔國
公豫右都督贈涇國公陳亨子寧陽侯贈濬國公懋武

進伯贈武進侯朱榮子嗣伯贈武進侯寬豐城侯贈茂
國公李彬子嗣侯贈豐國公賢廣寧伯贈廣寧侯劉榮
子廣寧侯贈嶧國公安恭順侯贈邠國公吳克忠子嗣
侯贈涼國公瑾會昌伯累贈安國公孫忠子嗣侯贈郊
國公繼宗撫寧伯贈撫寧侯朱謙子保國公贈宣平王
永慶雲伯累贈寧國公周能子慶雲侯贈宣國公壽

父子提學

父子俱為提學者北直隸御史顧潛河南按察副使夢

主湖廣按察僉事蔡潮雲南按察副使雲程山東按察
副使楊博河南按察副使俊民廣西按察僉事袁衷山
東按察副使尊尼湖廣按察副使喬世寧浙江按察僉
事因阜江西按察副使金賁亨福建按察副使立敬

五世甲科

仁和江參政玳玳子尚書瀾瀾子侍郎曉曉子提學僉
事圻圻子主事鐸凡五世甲科

叔姪封爵

洪武初歸仁伯陳友富懷恩陳友直姪歸德侯理以降
附封又景泰天順間石亨以忠國公總禁兵而姪彪以
定遠侯為征西前將軍鎮大同楊洪總禁兵封昌平侯
及弟武強伯能從子信封彰武伯為西北大將軍

父子兄弟有文名

長洲皇甫重慶錄有政績博雅而子鄉進士沖按察濬
汴工部濂俱以古文辭名於世又青州馮按察裕子鄉
進士惟健行人惟重郡倅惟敏光祿卿惟訥亦庶幾焉

自謂逾於貂珥之連綿也

四世吉士

江西萬安張簡肅公

闕

天順甲申改庶吉士父洪宣

德進士改吉士授御史死於土木子鰲山正德進士改
吉士任提學御史孫秩嘉靖乙丑進士改吉士授編脩
程隆慶戊辰進士改吉士四世吉士國初僅有

同胞四進士

山陰周禎弘治壬戌進士歷檢討初正德戊辰進士歷

郎中祚正德辛巳進士歷給事中禪嘉靖丙戌進士歷
都御史係同胞兄弟又雙生紹興郡中榜曰同胞四進
士一乳雙奇英又鄭戴鰲弘治己未進士歷知府賢正
德丁丑進士歷都御史鯨嘉靖癸未進士歷參議鰲嘉
靖己未進士歷主事餘姚孫鰲嘉靖丙辰進士歷光祿
卿銓嘉靖癸丑進士歷禮部侍郎錄嘉靖壬戌進士歷
副使鰲萬厯甲戌進士歷吏部員外以上三家皆同胞
兄弟咸浙人他處尚未考也

氏族博攷卷十三

欽定四庫全書

氏族博攷卷十四

明 凌迪知 撰

附錄

仙神姓名

仙道鬼神姓名有可考者元始天尊姓樂名靜信見度
人經玉門子姓王名剛九靈子姓皇名化北極子姓陰
名恒絕洞子姓李名脩太陽子姓離名明太陽女姓朱
名翼太陰女姓盧名金太玄女姓顓名和南極子姓柳

名融黃盧子姓葛名起馬名生姓和名君賢張道陵名
輔劉根字君安尹軌字公度介象字元則見葛翁神仙
傳河伯姓馮名夷字公子見聖賢塚墓記泰宗新祠頌
又姓呂名公子夫人姓馮名夷見龍魚河圖太真夫人
姓王名婉羅見真仙通鑑介子推姓王名光范蠡字少
伯鬼谷子姓王名詡見神仙傳毛女字玉姜見神仙傳
醫王子姓古名老師見本草傳序浮邱公姓李見列仙
傳壺公姓施名存孔子弟見真誥又姓謝名玄見丹臺

錄武當戴將軍姓燕名濟洪崖先生姓張後洪崖先生
亦姓張名氤俱見真仙通鑑東王公名倪字君明西王
母姓楊名回天翁姓張字刺渴竈神名隗又姓張名卓
字子郭井鬼名瓊廁鬼名頊又姓郭名登見酉陽雜俎
李耳在母胎八十年耳有聃故一名老聃脅尊者存母
胎六十年故號難生

日姓張名表字長史日中青帝名圓常元字照龍顓亦
帝名丹靈峙字綠虹映白帝名皓鬱將字迴金霞黑帝

名澄漕淳字玄綠炎黃帝名壽逸阜字颯暉像月姓文
名申字子光月中青帝夫人名娥隱珠字芬艷嬰赤帝
夫人名翳逸寥字婉延虛白帝夫人名弄素蘭字鬱蓮
夜黑帝夫人名結蘭翹字淳屬金黃帝夫人名青營襟
字炁定容東嶽姓玄邱名目陸南嶽姓爛名洋光西嶽
姓浩名元蒼北嶽姓伏名通萌中嶽姓角名普生東海
姓閔名內靈西海姓導名洞清北海姓喻名淵元又東
海姓何名歸君南海姓劉名囂君西海姓劉名漱君北

海姓吳名禽強君歲星姓碧空名澄瀾字青凝夫人姓

涵常名寶容字飛雲愛屬梵天女姓帝利迦

闕

姓陽常名華

闕

如烏危姓單羅尼形同參

闕

姓明常名颯英字頭天

蝎天之子
形不載

璧姓陲難

闕

淵

常名玄華字龍阿舍婆形如馬頭胃姓

闕

姓康常名

空瑤字非賢太乙君名臘天翁姓張名風伯方道彰雨

師陳華夫名婉衿甲子神名弓隆呼見佛經

明呼之闕火不燒

闕

為首姓輶耶尼形如剎

闕

鍾

山神鼓崑崙山陸吾沕屬木訥姓毘梨佉耶尼形涉鼉

夫夫山於兒海北鍾姓天婆斯失締形如婦闕大人北

曰肝榆尸朝湯谷屬日鬼姓炮波羅毘形如渚偶獬子

偶京湯谷奢北闕亦屬日星姓賓伽耶尼南海渚不返

胡余名一北海形同井屬福德天翼姓闕見山海經五嶽真形

圖東嶽歲迦遮延形如人手屬闕嶽晨夢中嶽憚癸

龍魚圖屬喜樂天亢姓迦旃延太丹名靈峙華山姓浩

名鬱藍婆形如瓔珞屬慈氏天姓壽名逸羣呼之令人

不忉利天尾姓遮耶尼形如名阿明夫人姓朱名隱娥

迦形如牛角屬清淨天闕亦夫人姓翳名逸寥一又闕

牛姓梵嵐摩形如牛熒惑星姓渙空名維渟字散闕屬

毘紐天虛姓同翼玄羅太白星姓寥靈名振屬俱不載室姓

閻浮都迦屬靈思辰星姓筆喧名精源闍奎姓阿瑟吒

形屬不載婁姓娥鎮星姓藏睦名耽延夫伽毘形如鼎足屬不載

載 雷公江赫冲電母秀文英堅前天翁姓劉西王

母又俱見道經閻羅王名閃多闕入水不溺甲戌神名

執酉陽雜俎云二十八宿昴

屬火畢姓頗羅墮形如笠山萼收日光山計蒙岐由如

鹿頭屬日又月之子參山燭陰差邱北曰奢比闕屬

日井姓參形如足跡曰天旻巴神曰孟涂東闕佛胸屬

木柳姓同參形如闕西海渚奔茲月山曰噓形如河岬

屬火張姓瞿曇闕禹强櫃海九鳳又强梁陳如形同井

屬林天軫姓闕西嶽善坐南嶽崇靈北梨帝角星貨多

羅形同軫闕山姓圓名常龍衡山姓姓多羅尼二星不載形屬

房姓阿

闕

山姓澄名漕澤嵩山心姓迦羅延形如大麥

屬闕東海神姓馮名脩青又蝎尾屬臘師天箕姓持父

闕

阿明南海姓

闕

姓莫迦還形如人拓

闕

西海姓勾大名邱伯夫人姓靈名素蘭一又名巨乘

北海姓是名禹帳里夫人姓結名蓮翹一又名禹疆又河

圖東方蒼帝神名靈威仰南方赤帝神名赤燥怒中央

黃帝神名含樞紐西方白帝神名白招拒北方黑帝神

名叶光紀與道經所載不同恐俱未可信也龍魚圖又

有泰山將軍唐臣霍山將軍朱丹華山將軍鄒尚恒山將軍莫惠嵩山將軍石玄太公金匱南海神曰祝融東海神曰勾芒北海神曰玄冥西海神曰壽收又不同

釋氏有姓名可考者阿彌陀佛姓憍尸迦毘婆尸闍尸

棄佛毘舍佛俱姓拘若利拘留孫佛拘那含牟尼佛迦

葉佛俱姓迦葉釋迦文佛姓刹刹又瞿曇氏小字頻吉

訛為悉達彌勒佛姓慈氏名阿逸多一祖摩訶迦華姓

婆羅門大 捷連名胡頭一名萊服闕 菩提名鳩留

二祖阿難姓刹利三祖商那闍

毘舍多名舍那婆

斯四祖優波耆多姓首陀闍

須密姓頗羅墮八祖

佛陀難提姓瞿曇九闍

多姓毘舍羅十一祖富

那夜奢姓瞿曇十闍

大士名功勝十五祖迦那

提婆姓毘舍羅十闍

耶舍多姓尉頭藍十九祖鳩

摩羅多姓婆羅闍

一祖婆脩盤頭姓毘舍闍二十

三祖鶴勒那闍

門二十四祖師子二十五祖婆舍

斯多姓闍

初祖達摩姓刹利帝本名菩提多羅

二祖闕

四祖道信姓司馬五祖弘忍姓周六祖

慧闕

能僧伽大士姓何高坐道人名吉友牛頭

一祖姓闕

二祖智嚴姓華鳥窠禪師姓吳名元卿大慧

姓闕

懷讓姓杜永嘉玄覺姓戴石頭姓陳徑山大覺

姓闕

馬祖道一姓馬二祖慧海姓朱南泉姓王龐居士

闕蘊神會姓高仰山慧寂姓葉為山靈祐趙黃蘗姓闕

北宗神秀姓李嵩嶽慧安姓衛支遁姓關佛圖澄姓帛

邢州寺碑則云姓闕

竺道潛姓王竺僧度姓王闕晞道

安姓衛一云姓帛慧遠姓賈寶誌姓朱玄奘姓陳名禪

慧願姓李萬廻

關

俱姓張梁四公一蜀闖一甌杰一

麤一仇啓慧永姓鄒曇邑姓楊僧碧姓傅竺道生姓
魏慧觀姓崔慧義姓梁道淵姓寇慧仁姓劉玄暢姓趙
僧遠姓皇僧慧姓皇甫寶亮姓徐法通姓褚單道開姓
孟白足和尚名曇始元高姓魏僧旻姓孫法雲姓周智
藏姓顧慧超姓廉慧約姓婁僧稠姓孫僧達姓李三車
法師姓尉遲忠國師姓冉圭峰姓何宣律師姓錢釋智

永姓王智果同姓懷素姓錢齊已姓胡貫休姓姜辨才
姓袁見佛經典傳燈錄高僧傳法書要錄等書

上清三尊譜錄則云第一度師上玄真明道君即元始
上皇丈人法姓奎法諱翳法字奏正音姓無明延世音
字觀觀第二度師无上玄老師即高上九天太上真王
法姓奎法諱柰法字燾正音姓虛無名上觀洞字運梵
靈第三度師即金明七真法姓奎法諱燾法字燾正音
姓虛玄妙名延世明字係上無一在上清金相宮一在

上清金蘭宮一在上清丹靈宮不知所謂第二第三者
即靈寶太上否大有金書復稱天寶君為大洞尊神號
玉清宮靈寶君為洞玄尊神號上清宮神寶君為洞神
尊神號太清宮此則三清之別號也



氏族博攷卷十四